

春柳堂詩稿

春柳堂詩稿

五言排律

春色滿皇州

闐闐開黃道。東風出紫宸。
霏微香陌迥。澹蕩御堦勻。
彩日輝綸掖。晴煙裊錦闌。
花明三殿曉。柳媚九重新。
繞閣鶯梭擲。穿樓燕翦頻。
應昌徵鎬晏。鳴盛叶韶鈞。
喜洽趨朝履。歡生入覲紳。
願言臨

帝闕。拜首詠長春。
堂皇巨麗雅與題稱



宜泉先生著



東郊春草色

芳春新草色。流綠滿郊東。萋萋生方異。淒淒
發欲同。連阡輕毯展。映陌累茵崇。日彩浮難
定。煙華散不窮。山光遙逼外。水態近含中。南
閣梨爭白。西樓杏映紅。采葑遊可觀。漚紵踏
能通。幾度臨青道。凝眸血染空。

清和朗潤

蓬瀛不可望

欲望仙家境。何由放遠眸。蒼茫雲際隱。縹緲
日邊浮。瑞氣連三島。祥光繞十洲。黃金爲闕

迥白玉鑿宮幽。麟脯厨中饌。龍芽几上甌。冰
挑非碧夏。火棗不紅秋。跨鶴還難到。乘鸞未
易投。崆峒能有路。願並赤松遊。五光十色別有
天地非人間
春城無處不飛花

芳城開麗景。淑氣動飛花。得意乘時艷。含情
逐地華。迎風光不定。帶雨色偏嘉。冉冉歌臺
繞。盈盈舞榭斜。連街翻碎錦。匝巷障團紗。膩
粉粧苔美。嬌脂映竹誇。蜂簧來別院。蝶拍過
隣家。省識春優渥。狂香引處奢。處處得無處
不三字之神

雨及望時來

好雨農多望。欣聞出震雷。時逢周播後。節過
覆耰纔。靈液千畦瀼。神膏萬畝催。秧針猶待
吐。菜甲未全開。風幸涼爲聘。雲期黑作媒。戴
薪休欲積。諒艾莫思堆。垤鶴鳴將起。商羊舞
自來。

聖朝恩澤普。躋畢入三台。鬆秀絕倫

春雨書齋

春雨知時降。高齋未放晴。捲簾看最細。隱几

聽無聲。蒸氣迷虛牖。浮陰暗畫楹。草野堦下
葉。花縟砌前英。過帙蜂全濕。飄筒蝶不驚。彈
琴沾韻冷。擊劒淬光明。香霧凌晨靜。茶煙傍
夕清。硯田生意滿。有筆愧能耕。細意熨貼中
別饒神韻
風過瓶梅筆硯香

香飛文閣靜。風起曉春和。乍覺瓶梅亂。旋生
筆硯多。影連帷旖旎。光沸案婆娑。麝吐疑筒
轉。芬清訝墨磨。霜華飄砌竹。霞彩漾堦蘿。蘭
簡餘涼繞。芸編爽氣拖。襟披應作賦。袖染易

成哦。恰似承

恩詔。憑虛翰苑過。

字字着意。層層俱到。允稱合作。

甘露晨降

不識堯年瑞。今看露降新。灩灩還綴夜。湛湛
更凌晨。淡月斜中濕。疎星蔑處勻。花稍光錯
落。薤上影璘珣。天乳香偏冷。神膏味自醇。三
危凝曉漢。五色浥朝塵。姑射生延久。零陵政
肇純。如飴

廷獻早。盈甕永涵春。

骨重神腴

河出榮光

帝德符休運。榮光已塞河。千年清可見。九里潤非訛。瑞繞金堤滿。祥開玉岸多。蜃樓朝日映。鮫室晚霞過。散彩矜吳練。澄輝鬪越羅。溜溫同洛浦。波凍異滹沱。郁郁迷飛鷺。窗窗冒浴鰲。獨欣杭葦處。餘靄羨無那。

呂聲召祥和調諧律

雨雪載塗

雪野春旋凱。來思瑞滿塗。感今時序變。憶昔歲華殊。絕域殘花歛。荒屯敗絮鋪。寧車沾屑

汁遲馬踏瓊酥。日照關河遠。煙消塞嶺孤。嬌
鸕迎旆轉。卉木映戈筇。懷國渾忘苦。勤

王豈憚劬。行營無定息。千里碎銀瑜。筆致纏綿情
文斐亶

梧桐生朝陽

良梧仙禁美。生植喜朝陽。得地根常固。參
天勢自彰。淒淒圭葉密。莘莘嶧枝長。日暖舒
周蔭。風和散楚香。閨知金井畔。秋落玉垣旁。
擊鼓誇魚刻。爲琴恥爨傷。白楊輸瑞色。綠竹
配榮光。最可栖鸞鳳。

德輝致百祥。氣體高華

誦詩如鼓琴

誰識吟壇上。拈毫有伯奇。琅然初起興。鏗爾
漸凝思。條達音傳遠。悠揚韻落遲。暗諧單父
曲。明混渭陽絲。舞鶴驚翻囿。潛魚誤躍池。楚
秦非可辨。風雨若爲施。志亞高山得。情分渤
海移。鍾期應父手。門外聽如癡。組織工穩關
合自然

新萍泛沚

錦萍誠絮化。出水際殘春。點點堤連早。紛紛

岸映新。葉青縈浪小。蒂紫逐波勻。聚散風爲約。浮沈雨是因。藻翻還觸鷺。荇動或穿鱗。南澗初輪滑。東湖漸讓頻。隨舟唯冀楚。名劍不歸秦。倘得逢搜採。能將薦百神。設想出奇鍊字入妙

紅膩小湖蓮

湖小欣紅膩。煌煌出水蓮。苞繁旋溜吐。蕊嫩倚波鮮。淨直真堪愛。通中不受憐。睡情濃沐雨。醉態飽涵煙。劍鏑光多淬。衡峰影倒懸。龜窠幢挂後。魚戲幙開前。菱荇難交臂。荏蒲詎

並肩。惟當移

太液。朗照日華妍。出水芙蓉鮮妍可愛

清風滌煩想

好風忽颯颯。煩想頓無萌。愠解神初爽。襟披
骨乍清。吹來山岫迥。拂去水波平。花院乘時
滿。竹籬納處盈。開樓消躁氣。敞閣淨塵情。羽
扇何須執。冰甌可不傾。凭櫺知暑退。展簟覺
涼生。

聖代休高臥。青雲早迫程。

神清氣爽可以滌我襟懷

蜻蜓

四翼六纖肢。青葱尾半摛。交飛忽上下。紛逐
或橫欹。細雨微風處。斜陽曉露時。舞園添箇
箇。戲沼過遲遲。小閣栖香草。空舟立釣絲。往
來非易詰。飲啖更難知。殞綠同蜂懶。偎紅異
蝶癡。升高仍避患。拍網怕兒持。

不粘不脫而說來却是
蜻蜓此咏物之上乘也

漁婦曉粧波作鏡

曉鏡漁家別。臨粧面水波。安常梳有俟。習慣
照無佗。似鑄斑全沒。非懸暈已磨。綠雲連鬢

捲紅雨拂眉過。魚唼殘脂膩。鷗沾汚粉多。菱
臆晨袖挽。荷檻早裙拖。笑戴垂竿笠。羞披舉
網蓑。圓靈良可躋。長願接姮娥。清新俊逸兼
而有之

樹杪百重泉

雜樹山邊植。長流乳竇懸。每經一夜雨。斗瀉
百重泉。吼木聲清矣。奔林勢猛然。珠跳藏蓋
急。玉漱抵巢偏。疊濺松濤合。層飛柳浪連。枝
枝雲練淨。葉葉雪花鮮。瀉沸紛疏圃。淒冷亂
灌田。切休疑剖竹。

聖澤本從天。藻思綺合秀骨天成

迎涼草

異草當炎夏。拳來挂處芳。垂垂能避暑。萋萋
漸生涼。葉亞松杉細。枝分竹箭颺。映窗饒碧
色。流簾足清香。似遂懷珠願。猶嫌倒屣忙。八
甄朝送雨。萬瓦夜飛霜。葵扇思將却。荷筒興
更長。賡歌揚

聖化。瑞產頌無疆。

清詞麗句必爲鄰

茅齋聞讀書

高才耽書讀。白屋展奇書。咕嗶聲難定。研覃
力不虛。惟期通萬卷。詎獨惜三餘。漂麥情能
忘。囊螢志自如。經明錐骨後。文博鑿心初。繞
砌花全放。緣堦草未除。陶陶孫敬處。嘖嘖子
雲居。未到彈冠日。輝光滿敝廬。屬詞工麗典
贍風華
日月無私照

轉運隨元化。昭回並自東。百靈臨委照。萬象
仰從公。杲杲朝霞上。亭亭夜露中。樓臺開地
軸。星斗豁天空。出海晴輝朗。橫山皓氣崇。瞳